

УБМБУ Судакъ шеэри больгеси «Къырымтатар тилинде окъуткъан 3 номералы орта умумтасиль мектеби»



# Qırım evlâdı

1 сентябрь — Мераба Мектеп!

Яз татиллери пек тез кечти... Балалар кузь кельгенине дуймайып къалдылар. Кимерси къувана, кимерсилер исе, язгъа даа доймайып кузь якъынлашкъанына къасеветленелер

1 сентябрь — бу бильги кунюнден башлап, мектеп те башланды. Талелелер 3 айлыкъ яз татиллеринде корьмеген сыныфдашларны, оджаларны, мектеп диварларыны, сыныф ралелернини сагъынып корьдилер. Лякин бу шейлерни даа корьмеген балачыкълар да бар. Бу биринджи сыныф талелелери!

Энъ кичик талелелер эллериндеки туткъан

чечеклерни эминликсизнен биринджи оджапчесине берип, мектеп тедбиринде татлы сесчиклер иле шиирчиклерни тариф эттилер. Оларны даа о къадар чокъ янъы ве меракълы бильгилер беклей! Бизим метебимиз исе, бу бильгилерни алмакъ ичюн озь къапыларыны ачты.

Бу 2021-2022 окъув йылында 1 ве 11 сыныф талелелери ичюн тантаналы тедбир кечирильди. Башлангъыч сыныф ичюн биринджи чанъ къакъылды Умумен бу йыл мектепке 42 талебе кельди.

Хош кельдинъиз!



## Кузь

Тез етишти ягъмурлы кузь,  
Кете дерске балалар.  
Ягъмур ягъа гедже - кунь-дюз,  
Энди сувуй авалар.  
Кузь кельди эм терекнинъ,  
Япракълары текюльди.  
Тарлаларда тютюнлер де  
Бостанларда сёкюльди.

Не къарылгъач авелене  
Не турналар ойнайлар,  
Не чибин бар къораларда  
Не чиркийлер къайнайлар.

Осман Амит



I нешир

сентябрь-октябрь  
2021 с.

Газетанынъ бу номерасында:

1 сентябрь— Мераба Мектеп!	1
Осман Амит «Кузь»	1
Хайырлаймыз, оджалар!	2
Хайрие акциясы	2
Президент сайлавлары	3
Аметхан Султан догъувынынъ 101 йылыгъы	4

Дикъкъат этинъиз:

- Мектепке тек мектеп урбасында кельмекегге унутманъыз
- Ёлда ёл телюкесизлиги къаиделерини риает этинъиз
- Мектепке киргенде селямлашмагъа унутманъыз.

## Хайырлаймыз, оджалар!

Октябрьнинъ башында оджалар куню къайд этиле. Бизим ишсевер, севгили оджаларымызгъа озь минетдарлыгъымызны бильдирмек ичюн бу керчектен аджайып бир куньдир. Судакъ шернинъ къырымтатар тилинде окъуткъан 3 номералы орта умумтасиль мектебинде исе,

оджаларгъа буюк бир сюрприз тешкиль этлъди. Юкъары сыныфларда окъугъан талабелер оджаларны мектепке киренинен хайырладылар ве атта бирер таджны багъышладылар. Бираздан исе, кичик бир концерт косьтерильди ве

мектепнинъ йылдызчыкълары санагъа чыкъты.

Qırım evlâdî газетанынъ муарриети де оджаларны джан-юретен хайырлай! Сизни мерамет, бильги, сынъырсыз сабыр ичюн тешеккюр эте. Сиз олмасанъыз, миллетимиз де гъайып олур!



Меним севимли оджам!  
Меним экинджи анам!  
Достум, акъыл чокърагъым!  
Оджам, бильги топрагъым!



## Хайрие акциясы

Эр йыл мектебимизде «Без чечеги» хайрие акциясы отъкериле. Бу йыл акция сентябрьнинъ 17-де кечирильди. Талабелернинен бу мевзугъа багълангъан



Мектеп талабелери ве оджалары «Без чечеги» акциясына багъышлангъан шеэр ярмалыгъында да иштирак эттилер.



субетлер кечирильди. Бутюн мектеп хайрие ярмалыгъында иштирак этти. Ярмалыкъта мухтадж олгъанларгъа 41 бинъ рубле топланылды.



## Президент сайлавлары

Мектебимизде президент сайлавлары кечти. Сайлавалды тешвикъаты октябрьнинъ 4-де башландны.

Мектебнинъ президент ерине 3 намзет теклиф этильди:

8-джи сыныф талебеси—Баранчикова Мирослава Тимуровна,

9-джи сыныф талебеси -Ягъяев Усеин Асанович,

10-джи сыныф талебеси—Сейтхалилов Селим Кемалович.

Сайлавалды компаниясы пек къызгъын кечти. Ракъиплер бир бирине ич де ел бермей эдилер. Кызгъын мунакъашалар кечирильди. Сайлавлар ок-

тябрьнинъ 8-де кечирильди ве мектепнинъ бутюн талебелери ве оджалары сайлавларда иштирак эти.

Сайлавлар биткен сонъ, бутюн мектепнинъ рей берювнинъ нетиджесинде **9-джи сыныф талебеси—Ягъяев Усеин Асанович мектепнинъ президенти оларакъ сайланды.**



Экинджи ерни къазангъан Сейтхалилов Селим Кемалович маариф ве медениет назири ве учюнджи ерни къазангъан Баранчикова Мирослава Тимуровна сагълыкъ сакълав ве спорт назири оларакъ тайин этильди.





## Аметхан Султан догъувынынъ 101 йыллыгы


1920 сенеси октябрь 20-де Алупка шеэринде ишчи къорантасында догъды. Татар орта мектебини битирген сонъ, Акъмесджиттеки фабрика-завод билим юртунда окъуды. Шеэр аэроклубына къатнап, учуджылыкъны огренди. 1940 сенеси Къачы авиация мектебини битирди. Кишинёв авиаполкына хызметке ёлланды.

Улу Ватан дженки йылларында Брянск, Дженюп-Кунъбаты, Сталинград, Дженюп, дёртунджи Украина ве учюнджи Белорусие джебэлериндеки урушларда 602 дефа ава дженклеринде булунды, 552 саат ава дженклерини кечирип, мисли корюльмеген джесюрликлер косьтерди. Авадан душман аскерлерине уджюм этмек



ичюн 78 дефа, къарадаки совет аскерлерини къорчалав ичюн 305 кере, душман учаъларынен тутушмакъ ичюн 41 кере, совет бомбалы учаъларыны озгъарув ве мудафаа этмек ичюн 52 кере ве душман аэродромларыны екъсан этмек ичюн 12 кере авагъа котерильди.

Аметхан Султан авада душманнен 150 кере дженк этти. Бу чатышмалар вакъытында шахсен озю 30 душман учагъыны ве группа олып дженкешювде 19 учагъны, эписи олып душманнынъ 49 учагъыны урып тюшюрди. Булардан бири таран. Бу гъает кучъ, гъает сийрек къулланыла билинген усул ки, оны ойлебойле учуджы беджерип оламай. Таран япкъан учуджынынъ озю де эляк ола биле.



Сталинград узериндеки ава дженклеринден биринде онынъ учагъы янып башлай ве Аметхан парашютнен ашагъы секире ве нейтраль ёлаккъа келип тюше... Иште, Волга боюндаки дженклерде косьтерген джесюрликлери ичюн биринджи Алтын Йылдыз онъа 1943 сенеси август айында бериле.

Экинджи кере Советлер Бирлигининъ Къараманы унваны Аметхангъа 1945 сенесининъ апрель айында бериле. Бу вакъыткъадже о 603 кере дженкявер учушны эда эте.

1071 сенеси февраль 1-де ойле учаълардан бирисини сынагъанда фаджиалы эляк олды. Февраль 8-де Москвадаки Ново-Девичье мезарлыгъында арбий итирам иле дефн этильди.



*Р-39N (серийный номер неизвестен), летчик - майор Султан Амет-Хан, 9-й ГвИАП, аэродром «Мелитополь», сентябрь 1943. На эскизе самолёт изображён как истребитель, хотя на самом деле художники изображают эту машину с крыльями козыли. Однако по историческим источникам именно 3-й эскадрилья Султана Амет-Хана была истребительной.*